

Na osnovu člana 7. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 13. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09) i člana 115. Statuta Općine Hadžići („Službene novine Kantona Sarajevo“ broj: 15/09, 17/12, 10/13, 14/13- ispravka, 11/18 i 1/20), Općinsko vijeće Hadžići na 27. redovnoj sjednici održanoj dana 28.12.2023. godine d o n o s i

ODLUKU O IZVRŠAVANJU BUDŽETA OPĆINE HADŽIĆI ZA 2024. GODINU

I- OPĆE ODREDBE I STRUKTURA PRIHODA I PRIMITAKA, RASHODA I IZDATAKA

Član 1. (Predmet Odluke)

Ovom Odlukom utvrđuje se forma Budžeta Općine Hadžići za 2024. godinu (u daljem tekstu: Budžet), struktura prihoda i primitaka, te rashoda i izdataka budžeta i način njegovog izvršavanja, prioriteta plaćanja, finansijsko izvještavanje, obim zaduživanja i izdavanja garancija, upravljanje dugom, ovlaštenja Općinskog načelnika, kazne za neispunjavanje obaveza, te prava i obaveze korisnika budžetskih sredstava i druga pitanja vezana za izvršavanje budžeta.

Član 2. (Donošenje Budžeta)

(1) Budžet Općine Hadžići je akt koji donosi Općinsko vijeće kojim se utvrđuje plan finansijskih aktivnosti Općine, a obuhvata projekciju godišnjih prihoda i primitaka, te utvrđenih iznosa rashoda i izdataka.

(2) Budžet se donosi za fiskalnu 2024. godinu, odnosno za period od 01. januara do 31. decembra 2024. godine.

(3) Budžet se sastoji od općeg i posebnog dijela. Opći dio budžeta se sastoji od računa prihoda i rashoda, računa kapitalnih primitaka i izdataka i računa finansiranja. Posebni dio budžeta se sastoji od plana rashoda i izdataka raspoređenih u tekuće rashode i kapitalne izdatke za fiskalnu 2024. godinu i naredne dvije budžetske godine, sa detaljnim rasporedom izdataka po korisnicima.

(4) Prihodi i primici priznaju se u periodu kada su mjerljivi i raspoloživi, to jest kada su uplaćeni na račun budžeta.

(5) Rashodi i izdaci priznaju se u periodu kada je obaveza nastala.

Član 3.
(Sadržaj Budžeta)

(1) Račun prihoda i rashoda budžeta se sastoji od:

PRIHODA

1. poreza koji su utvrđeni zakonom
2. neporeznih prihoda koji su utvrđeni propisima
3. komunalne takse i naknade utvrđene kantonalnim propisima i općinskim odlukama
4. prihoda ostvarenih obavljanjem osnovne djelatnosti i ostalih poslova budžetskih korisnika, vlastiti prihodi
5. primljene potpore (grantovi) od drugih nivoa vlasti
6. namjenske donacije

RASHODA

1. za zaposlene, kao što su tekući izdaci za plaće, naknade, izdaci za materijal i usluge
2. tekući grantovi
3. tekuća rezerva
4. kapitalni rashodi i izdaci

(2) Račun kapitalnih primitaka i izdataka čine primici od nefinansijske imovine i izdaci za nefinansijsku imovinu.

(3) Račun finansiranja čine primici od finansijske imovine, primljeni krediti i zajmovi, te izdaci za finansijsku imovinu, otplatu kredita i zajmova.

(4) U okviru finansiranja iskazuju se neutrošena sredstva iz Budžeta 2023. godine i čine višak prihoda nad rashodima u budžetu Općine Hadžići za 2024. godinu.

II - IZVRŠAVANJE BUDŽETA

Član 4.
(Dužnosti i odgovornosti u izvršavanju budžeta)

(1) Budžetom se osiguravaju sredstva za funkcionisanje općinskih službi za upravu, Općinskog vijeća, Općinskog pravobranilaštva, te sredstva za tekuće grantove i kapitalne izdatke. Općinski načelnik u skladu sa propisima raspolaže i izvršava Budžet Općine u skladu sa dinamikom priliva sredstava, ovom Odlukom i važećim propisima.

(2) Općinski načelnik je dužan svake godine za prethodnu budžetsku godinu, za period u kojem je obavljao poslove Općinskog načelnika, popuniti izjavu o fiskalnoj odgovornosti. Oblik i sadržaj izjave, način popunjavanja i rok predaje izjave, te način i rokove izvještavanja propisuje Ministarstvo finansija Kantona Sarajevo.

(3) Pomoćnici načelnika odgovorni su za potpunu i pravovremenu naplatu prihoda i primitaka iz svoje nadležnosti i dužni su provesti sve zakonom propisane radnje radi naplate potraživanja iz svoje nadležnosti.

(4) Općinski pravobranilac je dužan redovno izvještavati Općinskog načelnika i nadležnu službu o toku sudskog postupka i mogućem roku i ishodu istog. U slučaju da su potrebna eventualna izdvajanja sredstava iz Budžeta po sudskoj presudi nadležna služba obavještava i podnosi zahtjev sa konkretnom instrukcijom Službi za privredu, finansije i inspeksijski nadzor za rezervaciju potrebnih sredstava i plaćanje.

(5) Pomoćnici načelnika, Sekretar Općinskog vijeća i Općinski pravobranilac, kao nosioci realizacije programskih aktivnosti iz svoje nadležnosti, odgovorni su za zakonito izvršavanje svih rashoda i izdataka u skladu sa utvrđenom namjenom.

(6) Svaki rashod i izdatak iz budžeta mora se zasnivati na vjerodostojnoj knjigovodstvenoj ispravi i pratećoj dokumentaciji kojom se dokazuje zakonita procedura obaveze za plaćanje.

(7) Odgovorna lica koja u skladu sa utvrđenim procedurama prate realizaciju ugovorenih obaveza svojim potpisom knjigovodstvene isprave potvrđuju da su izvršili provjeru pravnog osnova i visinu obaveze koja iz nje proizilazi i da su saglasni za izmirenje obaveze.

(8) Općinski načelnik može koristiti sredstva budžeta samo za namjene koje su određene budžetom.

(9) Budžet može primiti namjenske primitke i grantove koji se realizuju po namjeni davaoca primitka i granta neovisno od plana budžeta. Ovo se odnosi na namjenske grantove Kantona i drugih nivoa vlasti, namjenske donacije i slično.

Član 5.

(Preraspodjela budžetskih rashoda)

(1) Općinski načelnik može, na prijedlog Službe za privredu, finansije i inspeksijski nadzor, donijeti odluku o preraspodjeli rashoda u okviru ukupno planiranog budžeta a najviše do 10 % ukupno planiranih rashoda budžeta.

(2) Općinski načelnik je obavezan izvještavati Općinsko vijeće o izvršenoj preraspodjeli sredstava iz stava 1. ovog člana u okviru polugodišnjeg izvještaja i po godišnjem izvršenju Budžeta.

Član 6.

(Prioriteti izvršavanja budžeta)

(1) Općinski načelnik je dužan u izvršavanju budžeta uskladiti dinamiku realizacije obaveza sa dinamikom priliva i odliva sredstava.

(2) U slučaju da priliv sredstava ne prati planiranu dinamiku, realizacija obaveza se vrši prema sljedećim prioritetima:

1. otplata duga i kamata;
2. plaće i naknade zaposlenim i zastupnicima;
3. obaveze za materijal i druge troškove za rad budžetskih korisnika;
4. tekući transferi;
5. kapitalni transferi i kapitalni izdaci;
6. ostalo.

Član 7.
(Izmjene i dopune Budžeta)

(1) Ako se tokom godine zbog izvanrednih prilika i potreba povećaju izdaci ili smanje prihodi i primici, budžet se mora uravnotežiti sniženjem planiranih izdataka ili pronalaženjem novih prihoda.

(2) Uravnoteženje se provodi putem izmjena i dopuna budžeta po postupku za donošenje budžeta, prema odredbama Zakona o budžetima u Federaciji Bosne i Hercegovine.

Član 8.
(Izvjštavanje i informisanje o izvršenju budžeta)

(1) Općinsko vijeće razmatra tromjesečnu i devetomjesečnu informaciju, razmatra i usvaja polugodišnji i godišnji izvještaj o izvršenju budžeta, kao i Odluku o usvajanju finansijskog izvještaja - završnog računa u rokovima predviđenim Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine broj: 69/14, 14/15, 4/16, 19/18 i 3/21).

(2) Općine su dužne dostaviti kvartalne izvještaje kantonalnom ministarstvu finansija u roku 20 dana po isteku obračunskog perioda, a za IV kvartal do 5. marta tekuće godine.

(3) Općine su dužne dostaviti računovodstvene godišnje izvještaje kantonalnim ministarstvima finansija do 5. marta tekuće godine za prethodnu godinu.

Član 9.
(Primjena Zakona o javnim nabavkama)

Postupak nabavke roba, usluga i ustupanje radova korisnici su dužni vršiti u skladu sa Zakonom o javnim nabavkama Bosne i Hercegovine („Službeni glasnik Bosne i Hercegovine“, broj: 39/14 i 59/22), procedurama i postupcima propisanih podzakonskim aktima, kao i propisanim procedurama javnih nabavki.

Član 10.
(Izvršavanje sredstava budžeta)

(1) Sredstva utvrđena u budžetu, na ekonomskom kodu 611000 - Plaće i naknade troškova zaposlenih, 612000 – Doprinosi poslodavca i 613900 - naknade vijećnicima, članovima radnih tijela, komisijama vijeća, te članovima štaba CZ realizuju se u skladu sa:

- a) Odlukom o utvrđivanju platnih razreda i koeficijenata za plaće, dodataka na plaću i naknadu plaće izabranih dužnosnika, nosioca izvršnih funkcija, savjetnika, državnih službenika i namještenika Općine Hadžići kojom su definisani koeficijenti za obračun plaće;
- b) Pravilnikom o plaćama i naknadama državnih službenika i namještenika Općine Hadžići;
- c) Sporazumom za utvrđivanje osnovice i boda za obračun plaće između Općinskog načelnika i predstavnika reprezentativnog sindikata (Sindikalna organizacija Općine Hadžići) kojim je definisana osnovica i bod za obračun plaće, a u skladu sa odredbama

člana 5. i 59. Zakona o plaćama i naknadama u organima vlasti Federacije Bosne i Hercegovine.

- d) Odlukom o naknadama vijećnicima i članovima radnih tijela Općinskog vijeća;
- e) Zaključcima Općinskog načelnika na osnovu odgovarajućih propisa.

(2) Sredstva utvrđena u budžetu, ekonomski kod 613000 - izdaci za materijal i usluge, realizuju se po odobrenju Općinskog načelnika prema utvrđenim namjenama na osnovu validne finansijske dokumentacije u skladu sa propisima. Prilikom nabavke materijala, ustupanja radova i usluga procedure provoditi u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22).

(3) Sredstva utvrđena u budžetu, ekonomski kod 614819 – tekući transferi mjesnim zajednicama, isplaćuju se naknade predsjednicima Savjeta mjesnih zajednica i materijalni troškovi neophodni za rad mjesnih zajednica. Sredstva planirana na ekonomskom kodu 615311 raspoređuju se za kapitalne projekte po mjesnim zajednicama. Kriterije za raspodjelu ovih sredstava odredit će Općinski načelnik putem Službe za civilnu zaštitu i mjesne zajednice u saradnji sa predsjednicima Savjeta mjesnih zajednica. Također, ekonomski kod 614124 – Transfer za izbore vršit će se putem Službe za opću upravu, društvene djelatnosti i zajedničke poslove u skladu sa zahtjevima i potrebama Općinske izborne komisije.

(4) Sredstva utvrđena u budžetu, ekonomski kod 614200 - grantovi pojedincima isplaćivat će se na sljedeći način:

- a) Pomoć penzionerima u iznosu od 12.000,00 KM. Izdvajanja će se vršiti po zahtjevu Udruženja penzionera tromjesečno (kvartalno) uplatom na račun Udruženja penzionera za potrebe nabavke lijekova, banjsko liječenje i slično uz prapratnu dokumentaciju koja se podnosi Udruženju penzionera.
- b) Pomoć stanovništvu u liječenju i zdravstvenom osiguranju:
 - 1) troškovi zadržavanja duševno bolesnih osoba u zdravstvenim ustanovama (Zakon o vanparničnom postupku „Službene novine Federacije Bosne i Hercegovine“, broj: 2/98, 39/04, 73/05, 80/14-drugi zakon i 11/21),
 - 2) uplata doprinosa za zdravstveno osiguranje lica koja se nalaze u statusu socijalne potrebe u skladu sa Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo („Službene novine Kantona Sarajevo“, broj: 29/09 i 20/16),
 - 3) pojedinačne pomoći u liječenju u zemlji i inostranstvu za teško oboljela lica,
 - 4) ostale pomoći (nabavka paketa, interventne materijalne pomoći i sl.),
 - 5) jednokratne novčane pomoći porodiljama na osnovu Pravilnika o raspodjeli novčanih sredstava za dodjelu jednokratne novčane pomoći porodiljama, te pomoć u vantjelesnoj oplodnji na osnovu Pravilnika o uslovima, korištenju i načinu raspodjele novčanih sredstava za sufinansiranje troškova medicinske potpomognute oplodnje.

(5) Izdvajanja pod tačkom b)3), isplaćivat će se na bazi kriterija koje je Općinski načelnik propisao, dok će se izdvajanja pod tačkom b)4) i b)5) odobravati pismenim nalogom (Zaključkom) Općinskog načelnika.

(6) Na osnovu Sporazuma o saradnji u pružanju pravne pomoći pripadnicima boračke populacije na analitičkom kontu 614239 planiraju se sredstva u visini 0,1% ukupnog budžeta Općine Hadžići za 2024. godinu.

(7) Na ekonomskom kodu 614243- prevoz učenika, te isplate stipendija učenicima i studentima na ekonomskom kodu 614234 transferisati će se putem Službe za opću upravu, društvene djelatnosti i zajedničke poslove na osnovu zaključaka Općinskog načelnika.

(8) Sredstva utvrđena u budžetu, ekonomski kod 614300 - grantovi neprofitnim organizacijama, transferišu se uglavnom mjesečno u visini od 1/12 plana ili po potrebi odnosno iskazanom zahtjevu u skladu sa Odlukom o finansiranju/sufinansiranju projekata i dodjeli sredstava udruženjima, fondacijama i pojedincima, isključivo onim korisnicima za koje je u budžetu preciziran iznos granta, odnosno sredstava koja su im budžetom dodijeljena.

(9) Sredstva za ostale aktivnosti iz oblasti sporta i drugog dodjeljivat će se i raspoređivati prema Odluci, odnosno Pravilniku Općinskog načelnika o kriterijima, načinu i postupku raspodjele sredstava na osnovu javnih poziva za predlaganje projekata udruženja, fondacija i pojedinaca koji će finansirati Općina Hadžići i u izuzetnim slučajevima na osnovu zahtjeva.

(10) Svi korisnici budžetskih sredstava dužni su periodično izvještavati nadležne općinske službe po metodologiji koju će propisati te službe.

(11) Udruženja kojima se odobravaju ta sredstva za redovan rad, odnosno oni za koje je u budžetu preciziran iznos granta, odnosno sredstava koja su im budžetom dodijeljena (sportska društva, društva iz oblasti kulture, boračka udruženja i ostali), dužna su dostaviti završni račun ovjeren od FIA-a, održati izvještajne skupštine do kraja mjeseca marta, te dostaviti resornim službama zapisnik sa skupštine, izvještaj o radu, finansijski izvještaj, odluku o usvajanju izvještaja i program rada.

(12) U slučaju nepoštivanja odredbi iz stava 3. i 4. ovog člana, Općinski načelnik ima pravo da putem nadležne službe pristupi zaustavljanju finansiranje za tekuću godinu.

(13) Sredstva utvrđena u budžetu, ekonomski kod 615200- kapitalni grantovi pojedincima realizuju se pojedinačnim zaključcima Općinskog načelnika putem Službe za boračko-invalidsku, socijalnu i zdravstvenu zaštitu, izbjegla i raseljena lica i Službe za razvoj i stambeno-komunalne poslove, za sanaciju individualnih stambenih objekata i stanova socijalno ugroženih porodica, kao i sanaciju stambenih objekata oštećenih prirodnim nepogodama i drugim nesrećama, te za rješavanje imovinsko-pravnih odnosa i naknadu štete.

(14) Sredstva utvrđena u budžetu na ekonomskom kodu 615300- kapitalni transferi realizuju se po odobrenju Općinskog načelnika na osnovu sporazuma, protokola, ugovora, odluka i zaključaka.

(15) Sredstva utvrđena u budžetu, na ekonomskom kodu 821100, 821200, 821300, 821600- nabavka i uređenje zemljišta i objekata, građevina, opreme, rekonstrukcija i investiciono održavanje, te infrastrukturni projekti realizuju se po odobrenju Općinskog načelnika na osnovu potpisanih ugovora o nabavci radova, usluga i opreme putem resornih službi.

Član 11.

(Sredstva posebne naknade za zaštitu od prirodnih i drugih nesreća)

(1) Sredstva ostvarena posebnom naknadom za zaštitu od prirodnih i drugih nesreća planirana su u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10), kao i Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća („Službene novine Federacije Bosne i Hercegovine“ broj: 4/12, 80/13 i 20/20).

(2) Sredstva su namijenjena za nabavku MTS-a i opreme za strukture CZ, obuku i vježbe, provođenje preventivnih mjera zaštite od prirodnih i drugih nesreća, uspostava i održavanje sistema radiokomunikacija, uspostava sistema za oglašavanje i uzbunjivanje građana kao i saniranje dijela šteta nastalih prirodnim i drugim nesrećama. Navedena sredstva odobrava Općinski načelnik putem Službe za civilnu zaštitu i mjesne zajednice u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća.

Član 12.

(Sredstva tekuće rezerve)

(1) Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve utvrđene u budžetu.

(2) U skladu sa članom 61. stav 2. Zakona o budžetima Federacije Bosne i Hercegovine o sredstvima tekuće rezerve odlučuje Općinski načelnik i kvartalno izvještava Općinsko vijeće o korištenju planiranih sredstava.

(3) Budžetsko izdvajanje za tekuću rezervu ne smije preći 3 % ukupnih prihoda, isključujući primitke.

(4) Svako korištenje tekuće rezerve se objavljuje u Službenim novinama Kantona Sarajevo, u roku od deset dana od dana donošenja Odluke o korištenju sredstava tekuće budžetske rezerve.

Član 13.

(Isplate iz budžeta i platni promet)

(1) Općinski načelnik u skladu sa zakonskim propisima izvršava budžet Općine.

(2) Svaka isplata sredstava budžetskih korisnika se vrši putem Službe za privredu, finansije i inspekcijски nadzor, a na osnovu originalnih dokumenata (ugovori, fakture, odluke, ispostavljene situacije, zaključci i drugo) i mora biti odobrena i potpisana od strane Općinskog načelnika ili lica koje načelnik ovlasti.

(3) Na osnovu zaključaka Općinskog načelnika pogrešno ili više uplaćeni prihodi u tekućoj godini u budžetu vraćaju se uplatiocima sa budžetske pozicije 614811 – naknada za povrat više ili pogrešno uplaćenih sredstava.

(4) Platni promet Općine izvršava se putem Jedinственog računa trezora na način da se svi prihodi uplaćuju na Jedinственi račun trezora putem depozitnog računa i sva plaćanja izvršavaju sa tog računa putem glavnog i transakcijskih računa, kod ovlaštenih organizacija za obavljanje platnog prometa.

III - ZADUŽIVANJE, KAZNENE I ZAVRŠNE ODREDBE

Član 14. (Procedura zaduživanja)

Općina Hadžići može stvarati obaveze po osnovu zaduživanja u skladu sa Zakonom o budžetima u Federaciji Bosne i Hercegovine („Službene novine Federacije Bosne i Hercegovine“ broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), Zakonom o dugu, zaduživanju i garancijama u Federaciji Bosne i Hercegovine (Službene novine Federacije Bosne i Hercegovine“ broj: 86/07, 24/09, 44/10 i 30/16) i Odlukama Općinskog vijeća, a na prijedlog Općinskog načelnika.

Član 15. (Nadzor i revizija)

Nadzor nad izvršenjem budžeta vrši Ured za reviziju budžeta-proračuna u Federaciji Bosne i Hercegovine u skladu sa zakonom. Praćenje korištenja budžetskih sredstava, odnosno razmatranje predloženih akata, obavlja Komisija za budžet, finansije i ekonomska pitanja na način kako je utvrdilo Općinsko vijeće.

Član 16. (Odgovornost i kaznene odredbe)

Odgovorno lice budžetskog korisnika, nosilac izvršne vlasti kao i drugo lice odgovorno za izvršavanje Budžeta kaznit će se za kršenje ove Odluke u skladu sa odredbama člana 102. i 103. Zakona o budžetima u Federaciji Bosne i Hercegovine.

Član 17. (Primjena zakona)

Za sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta, primjenjivat će se odredbe važećih zakona.

Član 18. (Stupanje na snagu)

Ova Odluka stupa na snagu danom usvajanja, a objavit će se u Službenim novinama Kantona Sarajevo i primjenjivat će se za fiskalnu 2024. godinu.

Broj: 01-02-16676/2023
Hadžići, 28.12.2023. godine

Predsjedavajući
Općinskog vijeća Hadžići

Almin Bašić